



Ráðhús Reykjavíkur  
Borgarráð

**Efni: Svar við fyrirspurn borgarráðsfulltrúa Sjálfstæðisflokksins um notkun húsnæðis Korpuskóla - R19030161**

*BORGARRÁÐ 14. mars 2019: Fyrirspurn borgarráðsfulltrúa Sjálfstæðisflokksins um notkun húsnæðis Korpuskóla - R19030161*

*Hvaða hugmyndir eru um notkun skólahússins í þágu hagsmuna hverfisbúa ef skólahald verður lagt niður? Hver er áætlaður sparnaður/hagræðing við að leggja skólahald niður í Korpuskóla? Hefur verið gerð ítarleg úttekt á því hve margar íbúðir í fjölbýli sé hugsanlega hægt að skipuleggja í Staðarhverfi?*

**Svar:**

Á fundi skóla- og frístundaráðs þann 12. mars 2019 var samþykkt svohljóðandi tillaga:

Skóla- og frístundaráð samþykkir að fela sviðsstjóra að setja af stað starfshóp til að meta og útfæra tillögur um framkvæmd grunnskóla- og frístundastarfs í norðanverðum Grafarvogi, skólahverfum Kelduskóla og Vættaskóla í ljósi þeirra miklu breytinga sem orðið hafa á nemendafjölda í einstökum starfsstöðvum á undanförunum árum. Starfshópurinn nýti í starfi sínu tillögur, kynningargögn og ábendingar sem fram hafa komið m.a. á fundum með starfsfólki og foreldrum og hafi það hlutverk að leggja fram útfærðar tillögur sem hafi það að markmiði að tryggja farsælt og gott skóla- og frístundastarf í norðanverðum Grafarvogi. Hlutverk hópsins verði jafnframt að huga að mótvægisáðgerðum sem nýtist nemendum og foreldrum þeirra í hverfinu. Starfshópurinn skipi þrjár fulltrúar frá hvorum skóla úr skólaráðum, þ.e. fulltrúi foreldra, kennara og stjórnanda, framkvæmdastjóri frístundamiðstöðvar auk fulltrúa skóla- og frístundasviðs. Skrifstofustjórar grunnskóla- og frístundamála fagskrifstofu leiði hópurinn auk þess sem starfsmaður hópsins komi frá skrifstofu. Starfshópurinn nýti í vinnunni rýnihópa valda með slembi úrtaki til að fá fram viðhorf nemenda, foreldra, íbúa og starfsmanna. Starfshópurinn hafi samráð við umhverfis- og skipulagssvið um skipulagsmál í norðanverðum Grafarvogi. Hópurinn skili niðurstöðum til sviðsstjóra eigi síðar en 29. apríl 2019.

Hópurinn tók til starfa í mars sl., sjá meðfylgjandi erindisbréf. Þar sem umfang vinnunnar er mikið og páskaleyfi og fleiri frídagar koma inn í vinnutímann verður starfstími hópsins framlengdur um nokkrar vikur, ekki er búið að fastsetja þann frest nákvæmlega. Hlutverk starfshópsins er að leggja fram tillögu um skóla- og frístundastarf í norðanverðum Grafarvogi til framtíðar með hagsmuni barna og unglunga í hverfinu að leiðarljósi.

Samkvæmt erindisbréfi skal hópurinn leggja fram útfærðar tillögur og mun í þeirri vinnu kostnaðargreina tillögurnar.

Hópurinn hefur ekki skoðað hugmyndir um aðra notkun skólahússins í þágu hagsmuna hverfisbúa ef skólahald verður lagt niður.

Starfshópurinn hefur fengið fulltrúa umhverfis- og skipulagssviðs inn á fund hópsins til að kynna

vinnu við skipulag í Staðahverfi. Hópurinn hefur nýverið sent umhverfis- og skipulagssviði bréf með formlegri fyrirspurn um breytingar í skipulag Staðahverfis til að nýta í vinnu hópsins.

Virðingarfyllst



Helgi Grímsson

sviðsstjóri skóla- og frístundasviðs

Hjálagt:  
Erindisbréf



## ERINDISBRÉF<sup>1</sup>

### Starfshópur um skóla- og frístundastarf í norðanverðum Grafarvogi

**Ábyrgðarmenn:** Soffía Pálsdóttir, skrifstofustjóri frístundaskrifstofu og Soffía Vagnsdóttir, skrifstofustjóri grunnskólaskrifstofu.

#### **Inngangur:**

Nemendum í norðanverðum Grafarvogi hefur fækkað verulega síðastliðinn áratug og er svo komið að mjög rúmt er um nemendur í sumum skólabygginganna. Sérstaklega hefur nemendum fækkað í Kelduskóla Korpu þar sem nú er 61 nemandi í skólanum borið saman við ríflega tvöfalt fleiri nemendur eða 141 árið 2012. Samkvæmt nemendaspá í hverfinu er ekki að sjá fjölgun á nemendum í á næstu árum. Þessar breytingar á fjölda barna á grunnskólaaldri kalla á að fyrirkomulag skóla- og frístundastarfs í norðanverðum Grafarvogi sé rýnt og endurskoðað til að tryggja farsælt nám og starf og góða nýtingu mannauðs og húsnæðis.

Á fundi skóla- og frístundaráðs 12.3.2019 var samþykkt að stofna starfshóp til að meta og útfæra tillögur um framkvæmd grunnskóla- og frístundastarfs í norðanverðum Grafarvogi, skólahverfum Kelduskóla og Vættaskóla í ljósi þeirra miklu breytinga sem orðið hafa á nemendafjölda í einstökum starfsstöðvum á undanförunum árum.

#### **Hlutverk:**

Hlutverk hópsins er að leggja fram tillögu um skóla- og frístundastarf í norðanverðum Grafarvogi til framtíðar með hagsmuni barna og unglinga í hverfinu að leiðarljósi.

#### **Helstu verkefni:**

- Að skoða tillögur, kynningargögn og ábendingar sem fram hafa komið m.a. á fundum með starfsfólki og foreldrum.
- Að hafa samráð við umhverfis- og skipulagssvið Reykjavíkurborgar um skipulagsmál í norðanverðum Grafarvogi.
- Að nýta rýnihópa nemenda, foreldra, starfsmanna auk íbúa í Staðahverfi sem tengjast Vættaskóla, Kelduskóla, Brosbæ, Hvergilandi, Galdraslóð, Ævintýralandi, Dregyn og Púgyn sem valdir verða með slembiúrtaki til að ná fram viðhorfum allra hópa um skóla- og frístundastarfið.
- Að huga og meta mótvægisáðgerðir í tengslum við þær tillögur sem hópurinn leggur fram.
- Að leggja fram útfærðar tillögur sem hafi það að markmiði að tryggja farsælt og gott skóla- og frístundastarf í norðanverðum Grafarvogi.

---

<sup>1</sup> Erindisbréf skulu gerð í samræmi við reglur Reykjavíkurborgar um starfs- og stýrihópa:  
[http://reykjavik.is/sites/default/files/reglur\\_reykjavikurborgar\\_um\\_starfs-\\_og\\_styrihopa.pdf](http://reykjavik.is/sites/default/files/reglur_reykjavikurborgar_um_starfs-_og_styrihopa.pdf)



**Starfshópurinn skipa:**

Soffía Pálsdóttir, skrifstofustjóri frístundamála SFS  
Soffía Vagnsdóttir, skrifstofustjóri grunnskólamála SFS  
Sigrún Harpa Magnúsdóttir, matssérfræðingur SFS  
Árný Inga Pálsdóttir, skólastjóri Kelduskóla  
Þuríður Óttarsdóttir, skólastjóri Vættaskóla  
Atli Steinn Árnason, framkvæmdastjóri Gufunesbæjar  
Halla Magneudóttir foreldra Vættaskóla  
Gunnar Bessi Þórisson Vættaskóla  
Fulltrúi foreldra Kelduskóla  
Fulltrúi kennara Kelduskóla

**Starfsmaður/verkefnisstjóri starfshópsins:**

Guðlaug Gísladóttir

**Til ráðgjafar og samstarfs:**

Starfshópurinn vinni hagsmunaaðilagreiningu sem síðan verði lögð til grundvallar því samráði og samstarfi sem þarf að hafa vegna vinnu hópsins. Starfshópurinn leiti einnig ráðgjafar innan og utan borgarkerfis hjá aðilum með sérþekkingu á viðfangsefninu

**Starfstími:**

Hópurinn starfar til 29. apríl 2019.

Reykjavík, 13. mars 2019



Helgi Grímsson sviðsstjóri

Hjálagt:

Tillagan um stofnun starfshópsins og greinargerð.

Kynningarglærur af fundum með foreldrum í hverfinu

Fundargerðir af fundum með starfsmönnum og foreldrum.

